
Бешариқ алимент тўлашдан бош тортган 3 нафар ота қамалди

24.03.2022 йил куни Жиноят ишлари бўйича Бешариқ туман суди томонидан Мажбурий ижро бюроси Бешариқ туман бўлими биносида алимент қарзини тўлашдан бўйин товлаб келаётган 4 нафар шахсга нисбатан маъмурий ҳуқуқбузарлик ишлари кўриб чиқилган.

Ижро ҳужжатлари бўйича қарздор Бешариқ тумани Қўрғонча МФЙ Холбой кўчасида яшовчи И.Л ундирувчи М.И га бир нафар фарзандининг моддий таъминоти учун ҳар ойлик даромадидан $\frac{1}{4}$ қисми миқдорида нафақа тўлаши лозим бўлсада 4 ой давомида жами 2.651.858 сўм алимент пулини тўлашдан бўйин товлаб келганлиги сабабли Ўзбекистон Республикаси МЖТКнинг 47⁴-моддаси 1-қисмига асосан 15 сутка қамоқ жазоси тайинланди.

Бундан ташқари Бешариқ тумани Кармак қишлоғида яшовчи Э.Ю ҳамда Бешариқ тумани Нурафшон мфй, Саодат кўчасида яшовчи Ш.С лар ҳам бир нафардан фарзандларини моддий таъминоти учун алимент пулларини тўлашдан бўйин товлаб келганлиги сабабли ҳар икки ҳуқуқбузарга нисбатан ҳам 15 суткадан маъмурий қамоқ жазоси тайинланган.

Шунингдек мажбурий ижро бюроси Бешариқ туман бўлими томонидан Ўзбекистон Республикаси МЖТК нинг 47⁴- моддаси 1-қисми билан тақдим этилган маъмурий ҳуқуқбузарлик иши бўйича ҳуқуқбузар Т.Ш. ундирувчи Т.М га 3.989.000 сўм алимент пулларини тўлиқ тўлаганлиги сабабли Т.Ш га нисбатан юритилган маъмурий ҳуқуқбузарлик иши Ўзбекистон Республикаси МЖТК нинг 271-моддаси 10-бандига асосан ҳаракатдан тугатилди.

Жиноят ишлари бўйича Бешариқ туман судининг судьяси Н.Саломов.

2022-03-28 09:55:39